

(8) RUNYANKOLE/RUKIGA LEAFLET ON RESURRECTION AND JUDGEMENT

ABAISEMWE OMURI YESU EBIKUURU N'AMAZIMA GA BAIBULI

OKUZOOKA HAMWE N'OKUCWERWA ORUBANJA

Kworabe waherize kushoma akatabo aka noija kumanya eky'okugarukamu ahabibuzo ebi:

2. Baibuli n'egambaki ahakubaho kw'omuntu obutafa?
3. Niki ekirikutubaho twaheza kufa?
4. Okuzooka kw'abafiire kuryabaho ryari?
5. Noha ou Yesu Kristo aricwera orubanja, kandi ahabwenki?

Abantu baingi nibateekateeka ngu kubarikufa hariho omuribo amagara agatafa, agarikuza omuiguru.

Baibuli netugambira kukitari kityo. Negamba aha bantu "abarihika aha kuzooka omubafu" (Abafilipi 3:11). Kandi "bashemereire kwemerera omumaisho g'ekitebe kya Kristo eky'okucweraho emanja" (2 Abakorinso 5:10). Ruhanga aryazooro abafu kandi abacwere orubanja.

1. Baibuli n'egambaki ahakubaho kw'abantu obutafa?
Ekgambo "obutafa" nikikozesibwa emirundi mukaga omu Baibuli. Korikureeba ebicweka byona, ebigambo ebi ei byakozesibwe tugira ekitwayegamu:
 - (a) Ruhanga we wenka akaba ariho kandi ariho ebiro byona. (1 Timoseo 1:17).

- (b) Omuntu tihariho aharikugambwaho hoona ku aine amagara agatafa (1 Timoseo 6:16).
- (c) Yesu Kristo akooreka amagara n’okutafa omumushana gw’engiri (2 Timoseo 1:10).
 Ekirikumanyisa ngu hakaba hatariho obutafa ahamuntu, Yesu atakaizire. Nahabwekyo omuntu taragizire amagara agatafa kuruga omukutandiika. Amatsiko gaitu, agokuza omubutafa gakegamirira kimwe ahari Yesu Kristo okusingura ebibi. Eki kibasikire hati ahabw’okuba akazooka kuruga omu bafu yatunga amagara agatahwaho. Ahari abo abeesigwa, ekyo kiryabasika ahabwembabazi za Ruhanga, Yesu kwarigaruka okuzoora abafu. Obutafa bituratuhangirwemu.
- (d) Twine “kusharura ekitiinisa, n’okusimwa, n’okutafa” (Abarooma 2:7). Twaba turi abokusherura obutafa, tikiri kubasika kugira ngu tubwaine hati. Eizoona riryahika obu “Ruhanga aricweraho emanja z’ebi abantu baakozire omu mubonano nazicwisa Yesu Kristo” (Abarooma 2:16). Amagara agatahwaho “n’ekiconco kya Ruhanga” (Abarooma 6:23).
- (e) Baibuli negamba ahamuringo y’emibiri. Hariho “omubiri gw’abuntu hamwe n’omubiri ogw’omwoyo” (1 Abakorinso 15:44). Omubiri ogw’Omwoyo tikicweka kyogwo ogw’obuntu. Paulo natugambira ati “Omubiri ogujunda gushemereire kujwara okutajunda (1 Abakorinso 15:53). Empindukahinduka y’obuhangwa neyetengyesa, obw’ekyo kiribaho, “Omubiri ogufa kuguriba gwajwaire okutafa” obwo okufa kuryaba kumirirwe omukusingura (1Abakorinso 15:54).

Okwegyesa oku kwine entanisa ahari abo abarikuteekateeka ngu omubiri “nigujurwa” okurekura amagara agatafa gakagyenda. Enteekateeka egi teri ya Baibuli. Ahari abo abarikumanya enteekateeka ya Ruhanga, Baibuli netuha ebi ahifo nk’oku birikukuratana:

- (i) Twine amagara g’obuntu omu mubiri yaitu.

- (ii) Omubwire bwahaihi nari bwanyima, twine okufa.
- (iii) Yesu aryagaruka kuzoorwa abafu.
- (iv) Aryatucwera emanja.
- (v) Turyahebwa omubiri gw'omwoyo n'amagara agatahwaho, nari tihwerekyerezibwe ebiro n'ebiro. Kwonka Yesu kwarigaruka tutakafiire, aryatucwera hamwe nabo abarizoorwa emanja. Baibuli tiharihoaherikutugambira ngu abantu baine amagara agatafa, kureeka egamba emirundi mingi ahamubiri kuzoorwa kuruga omubafu.

2. Niki ekirikubaho twaheza kufa?

Baibuli emirundi emingi okufa nekweta 'okugwejegyera' omu nfumu ya Laazaro (Yohaana 11), Yesu akagira ati, "Munywani waitu Lazaaro agwejegyeyire ninza kumusiimura omuturo" – kwonka Yesu akaba nagamba ahakufa kwe "Yesu yabagambirira kimwe ati 'Lazaaro afiire' (Yohaana 11-11-14).

Ahabwenki Yesu yakozise ekigambo 'okugwejegyera'? Ahakuba twaba tugwejegyire tihaine ekutirukumanya okuhitsya twasiimuka. Baibuli negemba omumuringogumwe aha kufa "ofiire aba atakwijuka" (Zaburi 6:5)

Lazaaro akaba amazire ebiro biina afiire, Yesu atakaizire kumuhimbura (Yohaana 11:39). Kuri nogira ngu amagara ge gakaba gari omu iguru omubwire obwo, Lazaaro akabagambire ebyo mubonano ebi yareebire. Kwonka tihaine ekiyagambire eki kirikumanyisa ngu akaba agwejegyeyire omukituro, ataine akyarikumanya. Tihariho ekicweka kyona ekya Lazaaro ekyagire ahantu.

Amatisko gaitu ag'eb'omumaisho gashemereire kuba nka aga Mariza. Akaikiriza ngu turyahimbuka ahakuzooka okw'ahamperu (Yohaana 11:24).

3. Okuzooka kwabafiire kuryabaho ryari?

Okuzooka kuryabaho obu Yesu Kristo arigaruka omunsi kutaho obukama bwa Ruhanga (Luka 1:32,33)

Yesu nagira ngu “Weena orikureeba omwana akamwikiriza atungye amagara agatahwaho, nanye ndyamuzoora ahakiro ky’ahamperu. (Yohaana 6:40). Omutume Paulo we nagamba ati “Nkoku boona bafa omuri Adamu, nikwo n’omuri Kristo boona harihindurwa abahuriire. Kristo nuwe muganuro, bwanyuma hakurateho abe ku ariija” (I Abakorinso 15:22,23).

Yesu hamwe n’omutume Paulo nibikirizingana ahari ebi:

- (a) Amazima ag’aha kuzooka kuruga omukufa, hamwe
- (b) N’obukuribaho. Otakaikiriza buri muntu weena orakugambire ebihindikire ahari ebyahandikirwe ebi.

4. Noha ou Yesu aricwera orubanja, kandi ahabwenki?

Baibuli netumanyisa ngu abantu bingi baryacwerwa orubanja obwo Yesu yamara kugaruka. Paulp nagira ati “Mukama Yesu Kristo, aryacwera abahuriire n’abafiire orubanja ahaizooba ry’okugaruka kwe n’Obukama bwe (2 Timoseo 4:1).

Abantu abaine obujunanizibwa nibo barikumanya ebya Ruhanga. “Baryayemerera omu maisho g’ekitbe ky’eiramuririo ekya Kristo. Ngu buri omwe omuri itwe ayegambire, nayetonganira ahari Ruhanga” (Abarooma 14:10,12).

Yesu ku arabe atagarukire kucwa emanja hati noha orikwesiimira omu magara agatahwaho? Tibona abarikumanya Ruhanga ngu baryajunwa. Yesu akagambira abamwe aha bantu ngu “baryareeba Abrahamu na Isaaka na Yakobo na bannabi boona omubukama bwa Ruhanga kandi imwe mubingirwe aheru” (Luka 13:28).

Nab’omugisha abo abarikugyezaho kumuhereza kurungi, Yesu aryabagira ati “Mwije imwe abu Tata yahaire omugisha, muhungure obukama, obwabateekateekyeirwe

okuruga ahakuhangwa kw'ensi (Matayo 25:34). Abantu boona abatamanya Ruhanga tibarizoorwa hamwe n'okucwerwa emanja. Baryaba bataine bujuranizibwa ahari we. Danieli natugambira ngu "Baingi omuri abo abariba bagwejegyeireire omu mucuucu gw'ensi baryasiimuka" (Daneili 12:2).

Ahabwenki haryabaho okucwerwa emanja? Ahakuba kuruga omukutandiika kw'okuhanga, Ruhanga akaha omuntu kweshariraho. Titubaasa okusharaho okumukuratira ninga tweshemese. Naiwe aha nobarirwamu.

Ruhanga nashemererwa twasharaho kugyendera omumuhanda gwe. Abo abarikukora batyo kuryaba kuri okusiima kwe kutuha obukama (Luka 12:32) Buzima noyenda kutaha omubukama bwa Ruhanga?

Abaikiriza abesigwa nibabaasa kwetekateekyera omugisha ogwo. Ruhanga naza kutuma Yesu Kristo okutera ensi obusingye ahi arikwendera. Aryaba Omugabe ategyeye ensi yoona (Zaaburi 72,8-11). Bwanyima y'okuzooka n'okucwa emanja abo abarijunwa baryayamba Yesu okuburira amahanga goona. Nabenda ngu nabo bamwegeho, nabwanyima besiimire omumagara agatahwaho.

Hariho amatsiko againdi agorikumanya agari nkaga?

Kw'orahereze Ruhanga hati, noza kuba owe ahaizooba abu "hataribaho kufa obundi, n'obukwakuba okusaasi nari okurira" (Okushuuruurwa 21:4)

Ruhanga asiimwe otuha okusingura ahabwa Mukama waitu Yesu Kristo (I Abakorinso 15:57)

Nobaasa kutumanyisa waba noyenda kumanya ebirikukiraho aha kwegyesa kwa Baibuli, n'enyikiriza za beisheemwe abakuri haihi, nari handiikira:

CHRISTADELPHIAN BIBLE MISSION

404 Shaftmoor Lane, Birmingham B28 8SZ, UK

OR

CHRISTADELPHIAN (REGIONAL OFFICE – MBARARA)

P.O. Box 885,

MBARARA

UGANDA

